


TV-ladina nce te internet

Produtions de televijion per ladin finanziedes dala Provincia da udèi per duc: chësta puscibltà vën sën data tres internet sun l canal Youtube dla Provincia de Bulsan www.youtube.com/ProvinciaBulsan



Produtions televijives per ladin ie sën da udèi sun www.youtube.com/ProvinciaBulsan, da uni ëura y da uni pert dl mond.

Media - La plataforma video à doi fins primeres: “Tres la plataforma nueva vëniel muștrà su la mendranza ladina sun n canal nternaziunel y pità trasparënza de proiec finanziaie dala Provincia”.

La produzioni de televijion à na gran mpurtanza per la mendranza ladina ajache les prejënta si particulariteies da udèi y scutè su

te na maniera drët da plajëi. Ert y cultura, economia, scola, soziel ma nce vel fiction prejënta cie che ie veramënter la mendranza ladina y coche la jënt ladina viv. Chisc cuntenuc che ie bele unic laurei ora te truepa produzioni televijives vën sën lascedes udèi a mo n majer publich. “La plataforma sun internet pieta n servisc a nosta jënt, ma nce

a nteressei de d’altra cultures che uel mparé a cunëscer miec nosta grupa de rujeneda,” nsci Florian Mussner. Na sauridanza iel nce per l nseniamënt de scola, ajache nsenianc ne à sën nia plu debujën de mpresté ora DVD’s per muștré vel trasmiscion ladina.

Sun la plates www.youtube.com/ProvinciaBulsan pössen sën n iede udèi de plu trasmiscions dla lingia “Scenar”, “Euro TV” y “Deboriada”. Do y do uniräl nce publicà trasmiscions la lingia “Nosta scola”, “Horizont” y mo d’altra produzioni singules.

L segundo fin dla plataforma nueva ie chël de pitè mo plu trasparënza da pert dla Provincia de Bulsan. “La produzioni che publicon tres internet ie unides finanziedes dal 55 al 90 percënt dala Provincia de Bulsan,” spiega l assessëur Mussner. Mé da pert dla Repartizion Cultura y Ntendënza ladina iel tl 2012 unì finanzia produzioni de televijion ladina cun de ndut 47.706 euro.

L proiet de pitè video per ladin tres internet, se nuzan a chësta maniera dla puscibleies di media nueves y, te na maniera particulera chël di social media, ie unì metù a jì dal Servisc de comunicazion cun l sustëni dl Ufize Cultura Ladina. (ufize stampa provinziel de Südtirol)